


PAMFLET

210



COPIE.

EENS SENDTBRIEFS
 der Ridderſchap, Edelen ende Steden
 van Hollandt / representerende die Staten
 vanden ſelfden Lande : aen mijn Heeren representerende die Staten vanden Lande van
 Herwaerts ouere.

Men vermanende / om eendrachtelick / ten
 dienſte vande Coninckliche Maieſteyt / die Landen te
 helpen brenghen in haren ghewoonlicken
 voorſpoet ende vryheyt.



Psalm. lxxv.

Hoe langhe willet ghylieden onrecht richten / ende den pers
 soonen der Godtloosen voort trecken.
 Verlost den ellendighen ende den nootdriftighen: helptse
 wt den handen der Godtloosen.

Ghedruet int laer ons Heeren,
 M. D. LXXIII.

210

32

4792.

COPIE

EEN SEINDT BRIEF

der Ridderchap, Edelen ende Secken

van Hollant, vermaentende die Staten

van Hollandt, te doen weten

dat de Staten van Hollandt

vermaentende

den Staten van Hollandt, te doen weten

dat de Staten van Hollandt

vermaentende die Staten

van Hollandt, te doen weten

F

W

W

W

W

W

W

W

Gedrukt in Amsterdam

in de Drukkerij

Hooghe / Edele / Seerweerdighe / Eerfame /
Wijse ende Voorfienighe goede Heeren / Vrienden ende Mede-
broeders / &c.



Also wy vernomen hebben / dat den
Hertoch vā Alba / die generale Staten nu wederom-
me laet vergaderen / om aen de selue bystant en hulpe
van gelt en andere nootsakegheden / tot voluorringe
deses tegenwoordighen Crijchs / te versoeken : Soo
en connen wy niet nalaten / van wegghen des schuldighen
plichs / daer mede wy aen onsen ghemeynen Va-
derlande verbonden zijn / **V. I.** als onse medebroeders desen onsen brief te
schryuen. Door gewis ende ongetwyfelt achtende / dat **V. I.** noch lief ende
aengenaem wesen sal onse aduys ende trouwen raet te hooren / in het ghe-
ne daer wy / door die eruaertheit der saken die ons dagelick vooruallen /
eenichmans onderricht zijn : Want al ist sake dat wy door die boosheyt des
tijts en insonderheyt door den bitteren haet / misgongsticheyt ende quaetwil-
licheyt eeniger vrienden / vā elckanderen voor desen tijt afghesondert zijn /
ende door haer archeyt en schalcke practijcken / in Crighen ende Oorloge /
teghens onsen wille en danck / gheraect : Des niet te min verhoppen wy op
V. I. discretie / ende op de natuerliche ghenegentheyt des Vaderlands / die
ons allen vā moeders lijue aengeboren en inghewortelt is / dat ghylieden
nimmermeer en sult connen vergheten / die goetwillige ende vriendelike
trouwerticheyt / die wy deen den anderen hier voortijts alcht hebbē toe ghe-
dragen / en noch toe draghē / voor Godt en voor alle mensche schuldich en
van onsen twegen noch bereyt ende veerdich zijn : Sullet derhaluen doch
vā uwen weghē dat selue vermoeden vā ons hebbende / onse trouwe ver-
maninghe sonder eenighe partijdeschap opnemen / ende inde weerschale
der waerheyt ouer wegende / bedencken / ghelijck als die waerheyt is / dat
wy geenē Crich en voeren deen tegens den anderen / wāt wy elckanderen
noyt int cleynē noch int groote misdaē en hebben / maer allen onsen twistē
ende Crich is alleē / en enckelick teghē die regieringe vande vreemde Ma-
tie / welcke wy al te samē hier voortijde eendrachtelick wt dese Lāden heb-
ben geweert / ende elckanderen belooft / ende alchts verstaē hebbē te wee-
ren : Als te seer schadelick / ende de wterste verderffnisse vāden staet der
gemeene Nederlāden wesende / daer aē syne Ma. so grootelick gelegē is.
Nuust also / dat sy met vele valsche ende verbloemde aengeue / misbruy-
kende tot haer voornemē den name der **C. M.** en der Religie / die sy veyn-
sen voor te willē staen / hebben **V. I.** tegens ons so verre gebracht / dat sy
uwe goederen / v gelt / sijn uwe lijf ende leuen genoegh gebruycken / tot on-
ser vernielinge ende verderuinghe / omme haer seluen daer door meesters
te maken / niet alleen ouer ons / maer oock ouer v lieden / en alle uwe naco-
melingen

melingen in alle eeuwichheit. **M**ē leeft inde Roomsche Historien dat doer
 het volck binnen der stadt van Romen door eenen swaren twistē verdevit
 was en den **A**del teghē het ghemeyne volck also ghespannē dat de ene
 partīe buuten der stadt op eenen berch gheweken was en wilden liever
 den ghemeynen vrant laten inuallen dā dat sy met malcanderen eenige ge-
 meensamheyt souden voortāc meer hebbē willen houden. So isser eenen
 genant **M**enemus **A**grippa die hen een alsulcken exempel ofte gelij-
 kenisse voorhiel: **A**ls dat hier voortgēdē eenmael geschiet was dat die le-
 denen des menschelicken lichaems in eenen misuerstant ende swarē twi-
 ste teghens malcanderen geraet waren so dat die handē ende die voeten/
 mitsgaders alle dādere wterste ledenē besloten ende gheresolueert warē/
 den ledighē buych met swarē sucrē arbeyt niet langer te spijsen waer door
 dat het gheschiede dat dē buych ghē voetsel meer crīgēde heel verstaet
 en verleghe werde ende daer na het gantsche lichaem verswacht so dat de
 handen noch voeten geen werck meer en condē ghedoen waer door sy al-
 te samen vā noots weghē wederomme ghedwongē werden haer onder el-
 canderen te versoenen op dat sy al te samen vereenicht wesende het ghe-
 heele lichaem mochte ghelijck als te voren gheuoert wordē ende in het
 leuen onderhoudē. Dese ghelickenisse vā het Roomsche volck ghehoort
 wesende hebben sy vā stonden aen sonder langer betact haer laten ghe-
 seggen en metten **A**del versont wesende zyn wederomme inde stadt ges-
 heert ende gelijckertant die wapenen teghē hare ghemeynen vrant aen-
 treckende hebben hem niet allēne van hare frontieren verdreuen maec
 oock hare stadt metter tijt ghebracht tot de groothē macht en voorspoed-
 ichheit daer in sy menige hondert jaren bouen alle andere sieden vāder
 werelt gheslozeert heeft.

Voorwaer alder liefste medebroeders hebbē dat volck vā Rōmē goede
 reden ende recht ghehad en ist hen wel ghegaen dat sy door dit exempel
 ofte fabel vā **M**enemus **A**grippa hier met elckanderen in een sterck ver-
 bondt vereenicht hebbē. Hoc veel meer redenē hebben wy dat wy ons nu
 met elckanderē verbinden en deen den anderen die hant biedē om ons al-
 gemeyne vrandē ende misgouerns met getoelt te wederstaē beschic oock
 wt onse Lāden te verdrūen en den Lāden helpen wederbrenghe tot haer
 oude fleur voorspoedichheit en macht daer die vā te voren door onse goe-
 de eendracht so lāghe inne ghestaen hebben: **W**āt wy en hebbē deen den
 anderen niet misdaen noch en draghe (**G**odt heb lof) gheenen haet noch
 vrantchap tegens malcanderen daeromme dat wy ons van elckanderen
 souden moghen of willen scheiden ofte afsonderen ghelijck als die van
 Romen deden wy en weten gheē tweedracht tusschē ons te wesen: **M**aec
 die sake vā allen den beroerten onrustichheit en deser aengenomen wape-
 ningen zyn die Spaengiaerdē die vā buuten in dese Landen commende
 en veel al vā sobre vple en cleyne conditie te wesende hen in dese Landen
 willen

willen doen reuereren/ hen metten rijckdommen deser Landen groot ma-
ken/ en voorts met een hoouerdigen moctwil/ en bloetdronckentheyt ons
in armoede te stellē ende regieren/ en alsulcx willen allen onsen goederen
ende het sweet onses aensichts/ niet al tgene dat wy ende onse Vooruade-
ren/ met bitteren arbeit versuert hebben/ tot hare wellust ende onnuttic-
heyt besteden: Ja ons/ onse vrouwen en kinderen/ ende alles wat wy lief
en weert inde werelt hebben/ sy tot hare lijf eyghenen/ ende slaucuen ma-
ken. En dat noch het anderswaerste is/ willen dat wy hen sullen rekenin-
ghe vā onsen sielen ende consciencien gheue/ om daer ouer na haren goet-
duncken te heersche/ ende daer eenighe onder hen nauwelijc en wetē ofter
eenen God inden hemel is/ noch en hebben nauwelijc eenenckel woort
vā den Sone Gods Christi Iesu onsen eenigē Salichmaker ghehoort noch
gelesen/ daer willen sy onse gelooue en Religie straffen/ en onder het dech-
sel vā dien/ willen ons onder haer Inquistie brengen/ die tegen die Ma-
ranen ende verloochende Christenen in Spaengien gebruyct wort. *vc.* om
ander alsulcken eenen deckmantel/ ons van allen onse Priuilegien/ Vrij-
heden ende oude hercommen/ die onse Vooruaders ons met arbeit/ ende
met haren trouwen dienst/ Ja met haer goet ende bloet hebbē verworuen
ende naghelaten/ gantschelick te beroouen.

Ende om dat wy sulcx niet ghesint en zyn te lijden/ maer willen lieuer
den laetsten man waghe/ dan dat wy souden van onse oude Regieringhe/
onder onsen aldergenadichsten heer/ den Coninck vā Spaengie/ onse na-
tuerliche Graue vā Hollandt/ die ons de voornoemde Priuilegien/ Vrij-
heden en hercommen seer solemnelicken beswoorē heeft/ willē afstaen. So
wilt u nu de Hertoge vā Alba met synen aenhanck wijs maken/ dat wy
teghē onsen Coninck gerebelleert zyn/ en wilt u ouerreden/ dat ghy v van
uwe natuerliche Lantlieden ende medebroeders afscheydēde/ sult werden
dienaers van haren moctwil/ scheprechtērs van hare wreetheyt/ en voor-
standers van hare oncuysche ende onbehoorliche begheerlichkeiten.

Daerom wilt doch/ lieue medebroeders/ de sake ernstelick ende rijpelic
bedenckē/ eer dat ghy *W. L.* onder zyn tyrannie noch dieper begheuet/ ofte
hem yet toestaet/ vā al tgene dat hy v liede in dese vergaderinge gemeeynt
is voor te houdē/ en laet v doch niet geene ydel woorden die ooghe verblin-
den en het verstant benemē: Ghy zyt die Staten des Landts/ dat is te seg-
ghen/ Die voorstanders ende beschermers van haer Vrijheyt/ en van hare
Priuilegien/ welcke ghy liede schuldich zyt/ voor God en voor alle mens-
schen te verdedigen/ en te hant houdē/ so ghy niet en wilt meynedich wor-
den/ want sulcx hebt ghy lieden den Lande besworen/ ende daeromme zyt
ghy wt allen Steden wtgecooren/ op dat een regelick synen Stadt/ en ghy
al tsamē het gantsche Landt helpt voorstaen en verantwoorden/ teges al-
le die gene/ die het souden willen eenichsins vercontē ofte verongelicken.

Daeromme heeft oec onse genadichste Heere de Coninck/ als Hertoge

van Brabant en van Gelder/ Graue vā Vlaenderen/ van Holland/ Zee-
landt/ Henegouwe/ Artois/ etc. In uwen handen/ in Gods des almach-
tigen tegenwoordicheyt gesworen/ dat hy ons alle onse Priuilegien/ Vrij-
heden/ Rechten en hercommen/ sal onuermindert en onuerkeert laten blij-
uē/ en de selue in alle haer punten onderhouden. Op de selue conditie ende
voorwaerdē/ hebt ghylieden hem indē name vande Steden/ ende der gant-
sche gheemeente/ tot onsen natuerlickē Heere en genadige Beschermmer en
Voorstander aenghenomen. So dat ghy v volck niet machtich en zijt/ den
Coninck selue/ so verre als hy (twelck wy geenins en verhoopē) tegens
synen Edt wilde doen/ de hant te houden ofte te lijden: Ja hy ontslaet v al
te samen/ en eē pegelich bysonder/ vā alle plicht des gedienslicheyt/ so ver-
re als hy tegens onse beswozene Priuilegien vet soude willen begaē ofte
attenterē/ en heeft een voor allen/ Ipso facto/ en dadelich gecasseert en te
niete gemaect alle Ouericheydē en Officiere de welcke tot preuiditie ende
nadeel der seluer Priuilegien souden inghestelt ofte aenghenomē wesen.

Hoe soudet ghy nu dā connen toestaen/ dat een Hertoge vā Alba/ ofte
ander Spaengiaert/ die vā onsen natuerlickē Heerē bloet/ noch afcoem-
ste niet en is/ noch met dese Landē eenighe gemeenschap hebben can/ hem
soude veruoorderen niet alleenlich alle Lantsrechten/ Priuilegien en Vrij-
heden naer synē moettwille te nieten te doene/ maer eer uwen Name ende
auctoriteyt/ die hier voortijts by allen onsen Vorsten en natuerlickē Hee-
ren/ den Hertoghen van Bourgongien/ Brabant/ Graue vā Vlaende-
ren en vā Hollandt/ in grooter eerbiedinge ghehouden is geweest/ tot sy-
ne onmenscheeliche tyrannie ende moettwillicheyt misbruyckē. Die hooch-
losliche Voorfaten onses aldergenadichste Heerē des Coninck/ en hebben
noyt Crich geuoert/ noch Vrede gemaect/ Ja oock gheen Munte gella-
ghen/ noch selue so vele als een stuuer exactie den volcke opgelept/ sonder
der Staten raedt ende adujs/ Ja sonder haer consent ende verwillinghe
daerinne te ghebruycken/ ende hebben selue gesworen alsulcx niet te doe-
ne: Het welcke oock by hoochloslicher ghedachtenisse Keeser Carolus/
en onsen Coninck selue/ met haren Edt in uwē handen so beuesticht/ en
metter daet seer vlietich onderhouden: En nu liet ghy lieden desen vreem-
den Tyrant/ die v noch int minste noch int meeste niet aen en gaet/ v lie-
den ende uwen volcke sulcke lasten vā Impositiē ende exactien vā Crich
ende Crichsieden/ ende van allerley maniere van Tyrannie ende verdruc-
kinge op den hals legghen sal/ alst hem lust en ghelieft: Hoe soudt ghylie-
den ymmermeer sulcx voor Godt en voor eenighe redeliche mensche con-
nen verantwoorden? Soude meer dan te verwonderen ende te beclaghen
zijn/ dat onder den uwen/ en door tgantsche Landt/ onder so veel Heeren en
grooten Adel die van so eerlickē Stamme gesproten zijn/ niet een alleen
en soude zijn/ die een manlich hert int luf hebbende/ deses Spaeschē Ty-
rans wreedtheyt ende moettwillicheyt soude deruē wederstaen: Ende al te
samen

samē syne dienaers ende Lijfenghē also ghewordē/ oock hare tonghē ende lippen hem sulchs onderworpen souden zyn/ dat sy niet en souden duruen spreken dan tgene dat hem liefghetal ende aenghenaem sy/ etc.

Espsonder/ also door zijne al te stoute opgeblasentheyt/ ende onmensche-
liche roereetheydt/ die Edele en hoochloflicher heerē van Egmont en van
Hoorne ommegebracht/ en het Edele bloet dwelck sy tot dienste des Co-
ninc en haers Waderlandts/ Ia tot bewarenisse en weluaren vā v allen/
altijt gewillichlickē en mildelicken tegens dē vyant hadde gewaecht/ noch
vergoten heeft. En hem niet geschroomt voor uwe ooghē/ ende in uwe te-
ghenwoordicheyt niet synen bloetdorstigē sweerde te suppen/ ende op een
schauot te storten/ en daer toe so veel onschuldichs en vromer bloets/ van
so menighe vandē bestē Adels des Landts/ en van so treffeliche Borgeren
ende Inwoonderen/ van alderley staet ende conditie/ Beneuen dat hy die
andere vrome/ en Edele Princē/ Graue/ heerē/ Edelē/ en Borgeren/ met
ontalliche menichte wt dē Lande verdreue heeft/ Om dieswille dat sy lie-
den/ ghelijck ghy lieden ende wy lieden/ ghepoocht hadde ende ghesint wa-
ren gheweest/ die Landē vande Spaensche Inquisitie te beurdē/ en te be-
houden in hare oude gherechticheden/ losliche Priuilegiē ende ghebruyc-
ken/ tot eere ende dienste vā onse Coninc/ door welcke rigeur ende crude-
lite/ hoe wel des Hertoge vā Alba hope en meeninge wel is geweest sulc-
kē ontsich ende schrick onder allē mensche te makē/ dat hy voortae na synen
lust alleen/ metten zijne soude regieren/ en den staet en sake vanden Lande
tot zijnen welgheualle ende meesten profijt te verstellē ende te verkeeren.

So en dencken wy nochtans niet/ de herten ende tghemoet/ van allē an-
deren so veel ouerghebleuenen/ sulchs verflouuet en verkeert te zyn/ dat-
ter gheen heerē/ Edelen/ Ouericheyden ofte Burgheren en soudē zyn/
die t Waderlant lief hebbende/ tselfde/ ende den arme ingesetenē van dien/
soudē willen helpē voorstaē en beschermē/ vā al sulcke wreede meeninge/
sonderlinghe als nu ter tijt dat tselfde/ met goeden succes by ons is aenge-
heuen/ Myn heerē ghy siet hoe dat dese cleene Prouincie van Holland is
houdēde/ hoe dat God de heere ons teghē de verwoetheyt deses Tyrans/
die ons al te samen in een ooghenblich gheerne soude vernielē so hy con-
de/ so wonderlickē heeft bewaert en beschuttet/ ghelijck als hy (synē naem
sy ghelooft ende ghedancht inder ewicheyt) noch tegenwoordelickē doet/
hoe wel den Hertoghe van Alba/ allen syne Spangiaerden/ en Italianen
(dwelcke inder waerheyt niet so seer te vreesen zyn/ als sy ouer dē verwon-
nen ende beangste hen straf thonen) fortse ende ghewelt heeft op Holland
heeft aenghewent ende ghekeert.

Indien de stadt van Amstelredā die dat Spaensche Garnisoen vanden
Hertoghe van Alba altijts hebbē gherefuscert/ ende oock met groot gelt
moetē wtcopē/ die oock op der eractien vandē tiendē Peninck die meeste
swaricheyt hebben gemouert/ ende Aegheus de executie van dien metter
daet

daet geoppoſeert. In heere voornemē, daer toe ſy anderen oock hebbē ver-
wecht / ſtantachtich hadden ghebleuen, ende heimlieden niet hadden laten
midleiden omme den vanden vā heere vaderlant niet allern inne te late,
maer oock alle hulpe en byſtant te doe / voorwaer den Hertoghe met zynen
Chriſchſuolck ſouden hen hebben gewacht Hollandt aen te grēpen.

Oefghelijcken hadden die van Middelburch tot noch toe / haer niet la-
ſen bedrieghē, ende met valſche voorwendinghen des Hertoghe, en zynen
aenhancks in het net late brenghe, hy en ſoude voorwaer niet een vā zyn-
en Spaengiaerde leuendich wt Walcherē opt hebbē gebracht. Syndelich
haddē eenige Souuerneurs / veel Heeren, Eedelen en oneedelen gheble-
uē by hare gheſintheyt en propooſten die ſy voor den ghemeenen man wel
hebben laten ſchijnē ende luydē, omme andere tot wederſtant van des Hee-
toghen regeringhe te animeren. Voorwaer den Hertoghe ſoude van zynen
quaet opſet hebbē moeten afſtaen: want van waer heeft die van Alue doch
alle zynen macht ende ghewelt daer hy hem ſo trotzich op beroemt: anders
dan van v luydē, ende van Stede des Nederlāts, van waer alle behoefſten
van Schepen ende ſchipruſtinghen, van waer tgeit ende de wapenen, Ja
van waer comt hem ſo grooten hoopen van ſoldatē: dan wt deſe Neder-
landen ſelue: is dat niet wel beclaghelich ende erbarmelich, dat dit arme
Landt zyn eyghen goet ende bloet eenen vreedē Tyrant by ſtelt, ten eynde
dattet in eenen ſchendighe ewighe ſlavernie ende dienſtbaerheyt van
vremde Naticen mach gebracht worden. Ja zynen eyghen Landtſatē ende
Inwoonders vermoort ende verniet.

Hoe is nu dat arme Nederlandt ſo ſeer veraert ende verbaſtert? warr is
het Edel ghemoet van onſen vromē Voorvaderen: die noyt en hebbē wil-
len gedooget dat eenige vreedē Natiē heerschappie hier int Landt ſouden
voeren. Ja geene Officie noch ſtaten bedienen. Twelck altyts met alder
necrſticheyt, ende niet ſonder moepte ende pijn, inmers noch in ſo corten
Tare is wederſtaē en afgeweert / deur diē ſelue altyts verſtaē is geweest,
de ruynvande Nederlandē als wel voorſie en gheſeyt is geweest, en nu,
God betert, blijet wat totter regeringe des Hertogē vā Alba is geuolcht,
als donvrentſchap metten onliggende Coninckrijcken en naghelucen,
verachteringe vande Coopmanſchap en hant werken, daer by het Ne-
derlandt en die rijkdomme van dien is ſtaende: en ten laetſten, vernielinge,
verlagen ende vermoorden vande inwoonderen der ſeluer Landen, inel-
ſulche affectie als vreedē Landen draghende zyn / ſonder aenſchou van
weluaren vanden dienſt van zynen Maerſtey.

Nietemin, dit ouergheſlaghen, lieue medebroeders ende die ſaechie inde
teghenwoordige geſtelt aenmerckende, ſo mocht ghyliedē ſie dat God de
Heere zyn hant ſtreckt, ende en laet ons onſe vanden niet tot eenen roof
noch tot ſchande worden. Waerom en grypt ghy als noch dan niet eenen
mannelickē moet? ende voucht v te ſamē met ons, omme ghelijckerhant

Die

dit onrechtuerdich ende onuerdragheleken Jock / van onser alder halss
 int ghemecneens af te werpē: Want so den Hertoge tot noch toe / so wep-
 nich heeft comen wttrichten / daer wy teghen malcanderen opgheset sijn
 geweest / en daer het meestendeel des Lāds hem heeft bygestaen / wat sal
 hy noch connē doen: indie wy met eendracht ende eenwillicheyt / ons hou-
 dende onder de wettelike gehoorsaetheyt des Conincklike Maesteyts /
 onses ghenadichste Heeren / dese vreemde dominerende Tyrannē en heer-
 schers wt den Lande verjagen / en onse oude Rechten en Priuilegien met
 alle ernsticheyt / ghesaemderhant voorsaen en beschermē. Ende so hy dat
 clepne Landeken vā Holland met een deel vā Zeelant / niet en heeft con-
 nen onder hem brenghē / in so langen tijt / ende met alle dat ghewelt dat hy
 in Italiē / Spaengien / Duytslant / Brancckerijck / als wt dese Nederlāden
 heeft connen te samē rapen / wat sal hy dan connen wttrichten / so verre als
 hem Brabant / Vlaenderē / Geldre / Vriellant / Gueryssel / Artois / Vene-
 gouwe / Luxemburch en andere Prouincien des Nederlāds / ofte een deel
 der seluer / by Holland en Zeelant in eendrachticheyt willē voegen / en hem
 gesaemderhant wederstant doe: Doormaer wy en twijfelē niet / ofte wy en
 soude wel haest met Godes hulpe der saken meesters wesen / en onse ver-
 dructe Vaderlant wederomme in sijn oude fleur ende weluaren gebroche
 hebbē: wāt alst al wel ingesien wort / so ghy liede slechs uwe hulpe wilidet
 te rugge houden / Ja al en wilde ghy oock nemmermeer sweert tegē hem
 wttrichē / wat soude hy connen wttrichtē: nademael het openbaer is / dat
 alle syne sake anders niet en sijn / dā een ydel hoqueerdich wtwendicheyt
 en gelaet / daermede hy v lieden veruært maect / ende met valsche versterde
 aendieninge so verre brēgt / en met subtilicheyt door enige zijne Instrumē-
 ten ofte medehulpers so verre doet brēgē / dat ghy hē uwe gewelt in hāden
 geeft / waermede hy syne moetwil en Tyrannie / ooc tegē v lieder aduys /
 en als wy niet en twijfelen / tegens de goede meeninge vā onsen Coninck
 te weghe brengt. Ghy moget noch in versche gedachtenisse houdē / hoe
 dat hy int voorleden Jaer / inde vergaderinge vande Staten / des Maents
 Augusti / v lieden al te samē proponeerde: Als dat die C. Ma. wt Spaen-
 gien hadde afghe sonden / die somme vā thien hondert duysent gulden: En
 dat het selfste was / het alderwoterste dat hy wt Spaengie hadde te dwach-
 ten: Ende daer op maecte hy v liede wijs / dat hy soude twaelf Regimenten
 Duytsche knechte / vyftich Wendelen Spaengiaerts / C en L. Wendelen
 Walē en Nederlāders / en daerenbouē noch thie duysent Duytsche Aup-
 ters / en drie duysent Peerde vande Benden / en noch twee duysent lichte
 Peerde: behaluen noch eenen grooten hoop oorlochschepen / en sonder de
 G. dinaris Garnisoenē hebbē opgebracht. Vermetende hem seer stoute-
 liche / en v lieden vast toeseggende / dat hy alle syne vyandē binne ses we-
 ken / ofteten alderlanckste binnen twee maenden / wt alle dese Nederlan-
 den soude verdreuc hebbē: Segeerende alleē / dat ghy liede sout toesiē gelt
 op te

op te brengen/omme het volc daer na te betalen/ op dat sy v lieden niet en
souden op den hals blyuē ligghē/ en het gantsche Landt ten gronde op eten
en verderuen. Waer op den Hertoge vā Medinaceli/ die aen synē siniche
hant geseten was/ v lieden ooc toefeyde/ dat hy van synen twee niet en
soude nalaten/ den Hertoge vā Alba met lijf en goet tot het wtterste toe by
te staen/omme het selfde dat hy beloofte hadde na te comen/ etc.

Nu latē wy v selue richten/ of hy alsulcx in het minste volbracht heeft/
wy laten staen dat hy sulcken getal vā volcke by seer veel na/ noyt heeft
comen op die beēnē brengē/ maer dat meer is minners openbaertlicheit sē/
dat niet allentich die ses weken/ maer die twee maēdē al langhe voorby
zijn/ Na dat alreede het tweede Jaer voorhāden is/ en noch is hy also ver-
re vā syne rekeningē als hy opt te vooren gewoest is. Waer wt men mer-
kelich can afmeten/ dat hy anders niet en soect/ dan met een valsche voor-
wendinge ende persuaasien/ ghelt vā v lieden af te dringen/ om den Crich
inde lengte te slepen: Ende maect hierentusschen den Coninck veel din-
ghen wijs/ waermede hy syne Maesteyt in groote sware costen brengt/
omme eenen schadelicken Crich tegens syne eygene Onderfaten/ sonder
eenighen noot te voeren: hoe wel het ghenoech kennelich is/ dat hy het
selfste gelt dwelch hy ontfangt/ geenfins aen en leyt tot betalinghe syner
knechten/ gemerct dat hy den Spaenschen knechten ouer die achtentwin-
tich/ ende die Duytsche ouer die dertien ende veertien maēdē besoldinge
schuldich is ghebleuen. So dat het niet te vergheefs en is/ dat/ so hy selue
inde voorghemelde vergaderinge der Staten verclaerde/ dat den Coninck
hem ontboden hadde/ dat hy geen gelt meer wt Spaengie en hadde te ver-
wachten/ behaluen die thien hondert duycent gulden/ die hy alsdoen ver-
claerde ontfanghen te hebben. Ende daeromme/ siende dat hem nu allen
trooste van elder ontbreect/ so neemt hy synen wtterste toculucht tot W. L.
ende heeft v daeromme teghenwoordelicken doen vergaderē/ omme v lie-
den bouen alle die ontalliche en onuerdraghelicke costen/ daermede hy het
Landt tot noch toe beswaert/ en tot de beēnē/ Na tot het merch vande beē-
nen toe heeft wtghesoghen/ noch niet de somme vā twintich hondert duy-
sent guldens tsaers te belasten.

Maer lieue medebroeders/ siet doch wel toe wat dat v liede te doe staet/
en en denct niet anders/ of die C. Ma. en synen staet vā Spaengien/ ofte
minners syner Co. Ma. erfghenamen en nacomelinghen/ sullen ten laet-
sten eenmael die gantsche sake naer der waerheyt willē verstaē/ en goede
rekeningē van alles hoorē/ sonder haer meer te laten benoegē met de ver-
bloemde aduertissementē/ die sy tot noch toe vande Hertoge en van synen
aenhanch alleen ontfangē hebben: En al sinen dā inder waerheyt beuindē
sal/ dat desen Crich/ beneuen so grootē onkosten/ die den Coninck en den
Landen ontwijfelich ouer die twintich Millioenen alreede comē te staen/
noch tot sulcke onuerhalliche schade ende verlies van volcke/ van Steden/
Dorpen

Dorpen ende Wlecken syne Co. Ma. toeghedaeu/ gheuoert wort/ alleene
wt enckelen moetwille des Hertoghē/ die alle getrouwe Onderfaten des
Coninck/ teghen alle recht ende redene geerne soude gantschelick onder-
drucken: Soo en twijfelt niet/ of het sal den Coninck grootelic verdrietē/
ende hy alsulck groote schade ende verderf zinder Erflanden willē ver-
halen op die gene die oorsake daer van gewoeft zyn/ ofte hulpe ofte bystāt
daer toe gegeuen hebbē. Wāt so ghylieden noch voortacn met dē Spaen-
schen Triant/ teghens uwe eygene Landtsaten/ ende uwe eygene Vader-
lant spannet/ ende hem bystant doet met ghelde ende andere gelijcke mid-
delen/ voorwaer daer moet nootsakelick van dese dry poincten/ het eene
volghen: Of dat desen Crich noch eenen tijt lāck also bliue staende tus-
schen beyden/ gelijck als hy tot noch toe/ ouer anderhalf Jaer tijts gestaen
heeft: Ofte dat Godt ons de ouerhandt en volle victorie ouer onse vpan-
den gheeft: Ofte eyndelick dat hy de victorie ouer ons cricht.

Nu ist gewis/ dat in allen dese dry poincten het verderf en onderganck
des Lādes nootwendich ghelegghen is: want hy also dat die saken noch ee-
nen tijt lāck aldus bliuen staende/ so moet ghy bedencken dat hierentus-
schen/ duerende desen grimmighē Crich/ die Neeringe gantschelickē ver-
gaet/ die Coopuaert stille staet/ die hantwercken ophouden/ en daer deure
het gantsche Landt also verarmt en verbiystert wort/ dat het ontwijfelick
gheschapen is/ in eenen swaren hongers noot en dierte te vallē: waer wt
anders niet dan Oproerten ende Seditien/ sware Cranchheden en Pestil-
lentie/ mits welcken het Landt gantschelicken sal verwoest worden/ te
verwachten staen.

Beneuen dat hierentusschen het Landt van Hollandt ende Zeelant/ ende
alle onliggende Landen/ van het Crichsoelick opgeteert en wt den gron-
de verdoruen werden. Waer door dat noch Brabant/ noch Vlaenderen
eenich boter noch kaeſe/ noch ander gewoonlicke Prouande/ noch sout en
sal comen becomen: welcke Landen ooc voor haer deel van Cruyters ende
knechten wtgeteert wesende/ in eenē wtersten iammer en ellende/ nootsa-
kelick sullen vallen/ en daerenbouen sal alderley plonderinge en berouin-
ge/ Na afbrandinghe van Steden/ Dorpen ende Wlecken/ syne Co. Ma.
toegedaen/ ghepleghet worden/ nademael dat desen inheymischen Crich
alsulcks nootsakelick mede brengt: Ende dat noch het alderarchste is/ hy
also/ dat geduerende desen Crich/ die Dijken door storm ende onweder/
comen in Zeelant ofte Hollandt/ in te breken: ofte dat eenighe vande par-
tijen/ door desperatie van in haerder vpannen handen niet te comen/ de sel-
ue doorsteken/ so en cammen niet anders daer wt verwachten/ dan beneuen
die iammerelicken doot vā so menige duysentich duysent menschen en bee-
sten/ een ewich ende onuerhalick onderganck der seluer Landen/ waer-
omme dat syne Co. Ma. ende alle syne nacomelinghen in een ewighe
schade sullen gheraken.

Ten anderen / by also dat ons Godt die ouerhant en victorie ouer onse
 vanden geeft / so en can dat euen wel niet gheschieden / sonder eenen sam-
 merelicken moort ende vernielinghe vā eenen onsalighen hoop der goeder
 Inwoonderen / die den Hertoge vā Alba tot synen dienste gebruyct / wāt
 het wel verskeret is / dat so langhe als hy gelt en volck sal conuen berou-
 me / so en sal hy nemmermeer af houden alle middelen te soekten / om ons
 gantsch en geheel wt te roepen en te vernielen: So dat hy nemmermeer en
 sal werde tondergebracht / sonder enige afsgrifelicke groote bloetstorting-
 ge / beneuen alle andere Inconuenienten / die noch hierentusschen / gedue-
 rende den Crijch so wy bouen verhaelt hebben / den Liden sullen weder-
 uaren: Maer by so verre dat hy de ouerhant ouer ons crijget (droelt God
 door zyn barmherticheyt verhoede wil) so zijt ghy al te samen wel gewis /
 dat v lieden anders niet te verwachten en staet / dan eene ewige en schen-
 dige slaernie / ouermits hy v lieden alle te samen / en alle de Steden voor-
 rebel en wederspannich sal houden ouermits die weygeringe des tienden
 Pennincx: Waer wt dat hy hem laet duncken dat desen laetsten Crijch al-
 dermeest gheresen is. Daeromme sal hy ontwijfelicken achten / dat alle die
 gene / die haer daerinne geweygert hebben / al ist sake dat sy niet opentlick
 die wapenē teghens hem gewoert en hebbē / nochtans syne openbare vpa-
 den en wederspannige zyn / als die ghene die hem dit spel gheroet hebben /
 false daeromme metten sweerde ende metten viere niet anders tracteren /
 dan ons / die hem opentlick wederstant met wapenen gedaen hebben / niet
 twijfelende / of die andere soudē wel het selfste hebben ghedaen / so sy den
 moet / ofte die gheleghentheyt / oft die macht hadden ghehad: Hoe wel dat
 wy wel verhopē / dat hijt so goeden coop niet hebben en sal / als hy wel
 meent / wāt wy gantschelicken geresolueert zyn / deene Stadt voor / en dan-
 der naer / Ja den lesten man te waghē / eer dat wy in eens alfulchen vren-
 den en wreeden Tyrants handen / ons soudē willen ouergeuen: So dat hy
 nemmermeer daer toe comen en sal / sonder het Landt inde selue Inconue-
 nienten die wy verhaelt hebben / merchelicken te brenghen.

Waer wt het claerliche blijct / dat in allen geualle / by also verre als ghy
 lieden hem / noch langer in desen Crijch helpt en met gelde bystaet / indien
 dat ghy hē niet en verhindert / en opentlick in zyn voornemen wederstaet /
 so en can onse arme Vaderlant haer wterste verderf en verwoestingē ge-
 sins ontgaen: want op dat ghy wetet wat hy inden sin heeft / en hoe hy met
 des Coninc Landen / en met ons allen voorghenomen heeft te handelen:
 so bemerct het ghene dat hy ons in syne Pardoembriuen / met wtgedruckte
 woorden dreyget / seggende / dat so wy ons niet en willen onder syne ghe-
 hoorfacinheyt mede begeuen / so sal hy dit gantsche Landt also verwoesten
 en verderuen / datter gheene Reliquien en sullen ouer bliuen / ende dat het
 ghene dat nu noch eenichsins gheheel is / gantschelicken / sal worden ver-
 nielt / en tot aen den wortel toe wtgheroeyt: Ja dat hy dit Landt / so verre
 alffer

alſſer noch eenich Landt ſal ouer bliuen / met vrende ſtallen ſal doer be-
woonen: met andere dierghelijche dievgheimenten / waer mede hy opent-
lick te kennen gheeft dat ſyne woterſte meyninghe is / dit gantſche Landt
tot de gronde te verderuen ende vernielen &c.

Nu vragen wy v lieden / indien dat ſulcx gheſchiede (daer van ons God
almachtich verhoeden wil) wie ſoude anders die ſchuld hebben dan ghyſ-
den alleene: die hem tot ſynen boosen moctwil / ten woterſten verderue van
v eyghen Vaderlant / met ghelt / met volck / met ſchepen / met munitie / met
prouande / ſo langhe hebt bygheſtaen ende noch byſtaet / hoe ſout ghy dan
ſulcx hier namaels voor die Co. Ma. oft vimmers voor ſyne nacommin-
gen comen verdedighen: Oft meyn ghy / om dat v den Hertoge ſomwij-
len een blanch Signet met des Coninck hant gheteeckent laet ſien / ſchry-
uende daerinne wat hem geluſt en gheleſt / ende ſeggende dat het al verſch-
wt Spaengien corint / dat ghy daer mede des Coninck ofte ſyner nacom-
minghen rechtueerdighen toorne ende wreake ſoudt comen ontgaen: Neen
ghy voorwaer: want al ſaecht ghy ſelue des Coninck brieuen met zyn ey-
ghen hant gheſchreuen / en waert wel verſekert dattet van ſyne Maieſteyt
ghecomen ware: Nochtans / nademael v lieden ghenoech bekend is / dat
ſyne Maieſteyt vander ſaken naer de waerheyt gheenſins berecht en is /
en niet voordere en weet vanden teghenwoordighen ſtaet des Landts / dan
voor ſoo vele als hy vanden Hertoghe ende ſyne toegedane geïnformiert
wort: So en ſout ghy in eeuwichet neimmermeer comen verantwoorde /
dat ghy aldus des Coninck beſte Erſtanden / ende ſyne ghetrouwe On-
derſaten / ſo ſammerlick latet verloren ende verdoruen gaen / dewyle ghy
als Staten den Landts / behoorden na uwen Eedt een opſicht daer op te
hebben / ende den Coninck ſelue (die in uwen handen geſworen heeft het
Landt te beſchermen ende te beſchudden / ende in alle ſyne Pruillegien te
handthouden) beter te berichten: Ofte anders zyt ghy wel verſekert / dat
of ſchoon noch ſyne Coninckliche Maieſteyt / noch ſyne nacommin-
gen alſulcks niet en ſtrafden / ghy en ſult nochtans in eeuwichet / die alder-
hoochſte ſtraffe des almachtigen Godts / ende Coninck aller Coninghen
neimmermeer ontgaen: Dewyle hy v gheſtelt heeft tot beſchermers ende
beſchutters uwes arme Vaderlandts / dwelck nu voortan roept uwe hul-
pe aen / met grooten gheſchrey des gantſchen volcx. Want ghy zyt int af-
weſen des Coninck / die ghene die des Coninck plaetſe behoort te houde:
Ende gheen Gouverneur noch Stadthouder en mach alſulcken Crich
niet voeren ſonder uwen wille ende conſent / want ſoo den Coninck ſelue
geſworen heeft / gheen Oorloghe teghens vrende te voeren ſonder uwe
verwilliginghe: hoe veel te min ſoude dan een die ſelue vrendelick is /
ende noch den Coninck / noch den Lande int minſte beſtaet / onder tdeck-
ſel dat hy hem voor en Stadthouder des Coninck wtgeeft / eenen alſulcken
ſchadelicken Crich mogen voeren / tegens die eyghen Onderdanen zynre

Maesteyt, om de selue metten viere metts sweerde, ende met honghers
noodt, soo als hy ons met wtghedruchten woorden dreycht, nae synen
moetwille te verwoesten ende te verderuen.

Tot dien eynde, voordert hy nu van v lieden dese twee Millioenē, wa
staet de sake in uwen handen en in uwen keure, so ghy hem te wille staet,
ende zyne hooge woordē en dreyghementē ontfiet, so sult ghy dit gantsche
Lant in een ewige slaernie, Ja in eenē iammerliche en noyt gehoorde
verwoestinghe, binne cortē tijt ontwijffelich bringhē: ende v salmen voor
God en allē menschen schuldich makē, van alle dat bloet datter noch ver
goten sal worden, en vā allen den iammer, ellende ende wterste armoede,
daer so menighe verdurven ende weesen, so menighe beiaerde oude Wades
ren, so menighe arme bedruchte kinderchens, tot haer wterste verderf inne
sulle comē, ende alle dit gheschrey, dat clagē ende huplē, sal ouer v luyden
wrake roepen voor Gods aenschijn, ghemercht, ghylieden die behoorden
Woorstanders des volcx en beschermers des Lants te wesen, den Tyrant
in zyne verwoede Tyrannie sult hebben voortgheholpen.

Oock sullen op v vallē alle die veruloeckinghen en vermaledijdinghen/
van onse ende uwe nacomelinghen, die in eeuwicheyt sullen den dach ver
uloecken, dat den Spaenschē Tyrant hier int Lant zynē eerste voet gesedt
heeft, om ons en haer al te samē in eene so iammerliche slaernie te bren
ghen, ick late staen, de oneere ende schande, die ghyliedē dan sult behalen
by allen vrende Natien, Volcken, Steden, Coninghen, Vorstē en Po
tentatē: als dat ghy die auctoriteyt en macht die v Godt en het Lantrecht
gegeue heeft, noyt en hebbet doruen teghē eenen Spaenschē Tyrant, tot
bescherminge en behoudnisse uwes Vaderlants, en tot verbedinge haer
der Vrijheyt en Priuilegien, int werck stellen: Ja ter contrarien hebt die
selue misbruycht, om v eyghen volck, twelck ghy behoorde in syne Lant
rechten, Vrijheden ende Priuilegien beschut ende beschermt te hebben, in
eene ewige slaernie en ellēdige catticheyt, die swaerder sal wesen dan
eenigē doot, wt enckel slappicheyt vā hertē en cleyuinoedicheyt te brengē.

Daerenteghen, so ghy lieden desen Tyrant, synen onredelicken eyse
niet alleenlichen aflact, maer oock selue die sake ter hertē neemt, en uwe
Officie, Naem, Wapen, ende auctoriteyt na uwe Ede en schuldigē pliche
betrachende, v eyghens Vaderlandt in syne Rechten, Vrijhedē, en Priui
legien voorstaet: en in stede dat hy nu twee Millioenen gouts Jaerliche
eysschet, omme het Landt te verwoestē ende te verderuen, sachs een Mil
lioen, Ja een half Millioen, op eenmael wilt besteden, om het Landt te
bewarē, en die vrende Tyrannen wt te helpen driuen, om het Lant in een
goede vrede en eendrachticheyt, ende tot zyn oude fleur, voorspoet, en wel
uaert weder te brenghe. So sullet ghylieden voorwaer God almachtich,
der Coninclicher Maesteyt ende uwen Vaderlande, een grooten acn
ghenaemen dienst doen, ende v seluen by alle Natien, ende volcken,
ende

ende by alle vriende heerē ende Potentaten / eenen loffelicken roem ende
heerliche naem ghe winnen: Als dat ghyliedē als goede getrouwe Waders
des Waderlants / den aenstaenden ianner ende ellende desselfs geweert /
den Eriich ghestilt / de Biede wedergebracht / de Reeringe en Coopman-
schap weder opgericht / alle Handwercken inghaelt / den Rijchdom ende
alle voor spoedicheyt geprocureert hebt: Ende moget wel voor seker ende
ghewis houden / dat by also verre / W. L. hierinne verstaen wille / dat al-
le andere swaerichede ende beroerten die inden Landen moghen gherefen
zijn / met goeden ghemeeen aduys en raedt naer ouden hercommen / lichte-
lick sullen werden beslecht / midts wy ons esamē als getrouwe nabueren
ende medebroeders / in alle billichheyt ende redelicheyt deen tegens de an-
deren / tot voorderinge van tgemeene beste / eere en dienste van sune Ma.
sullen dragen: Sulce dat ghylieden inder waerheyt beuinden sult / dattet al
valsche ende versterde loghenen zijn / die onse ghemeene vanden ons na-
gheuen / om ons van v lieden / ende v liede van ons / af te scheyden / als dat
wy rebellen ende afuallighe vanden Christelicken ghelooue / ofte vande
ghehoorsaemheyt des Coninck opt souden gheweest zijn: Want wy noyt
per anders ghesocht en hebben / dan onse wettelike Wighheyt / ende onse
Landtrechten die ons van onse Coninck beswooren zijn / teghens alle
vriende Tyrannen te hanthouden (gelick als onse Voornaders ons ghe-
leert ende met haer eyghen exempel hebben voorghegaen) ende onse con-
scientien na Godts beuel te reguleren: Stellende onse vertrouwen op
Godt / ende op synen Sone Iesum Christum / ende soeckende hem na on-
se cranche vermoghen te dienen / ghelijck als hy selue in zijn W. Woort
is eysschende: Ende voorts die Ouerichendyt in alle eerbiedinghe ende re-
uerentie na Gods beuel houdende / de selue alle gehoor saemhendyt bieden-
de / ende onsen naesten in al tgeue ons moghelick is / dieneude: Het welcke
ghylieden selue (so wy ons ghenoech tot v verken) also sult bekennen:
Als men de saecke inde rechtueerdicheyt sal examineren / kennen ende
oordeelen: Ende wy teghens alle valsche beschuldighe / by onpartydighe
Rechteren moghen worden ghehoort.

Isoude voorwaer wesen teghens die natuere ende conditie van die van
Hollandt / dat sy lieden hen vergrepe ofte misdaen hebbende / haer misdaet
niet en soude bekennen / ende daer van in alder ootmoet gratie ende ghe-
nade versoeken. Men heeft ons noyt gheacht / ofte ghesien so obstinaet /
oft hertneckich in onser voornemen ofte voortstel / maer in allen saecken
daerinne wy sune Maiesteit hebben connen ghelieuen / lichtelick laten
beleyden. Wat Ratie ofte Prouincie isser gheweest / die in allen beken
ende subuentien te consenteren ter petitie van sune Co. Ma. goetwil-
lichlicher is geweest / dan die van Hollandt: Na so sacht en goetwillich bich-
maels zij geweest / dat sy by andere Prouincie omme terumpels wille / dat
hebben veruijt ende ondanch ghehad: Wat Onderfaten hebben in allen
voorgaende

voorigaende oorlogen meerder ghetroonvicheyt bewoefen als die vā Hol-
lant, in heure respect, als v lieden, en voor alle die werelt kennelich is, en
wy wel verskert duncken te zyn, dat wy van gheene ongehoorsamheyt/
rebellie ofte ontroonvicheyt schuldich bevonden sullen worden, ten ware
byden Hertoge en synen bloetracht, die alle ordene vā Justitie altyt ges-
muerteert, allen Ouericheyt, Richters, Officier en Wethouders ver-
smaet, en allen saken naer hare affectie hebbe wtgericht, des hen die goe-
de ende vrome dickmaels hebben beclaecht ende beschreft.

Verhaluen goede Heere en lieue medebroeders, wilt doch de sake ern-
stelich ouerlegghen, wilt alle cleyuuoedicheyt en wijuisse slappicheyt
van u werpen, en eenen mannelicken moet grijpen: wilt tsamen met ons
als met uwen Lantslieden, ja met uwen broeders en eyghen vleesch ende
bloet, die hant houden dat onse arme verdruete Vaderlandt, eenmael van
vriende Tyrannie verlost wesende, na syne oude Rechten, hercomen en
Privillegien, onder die gehoorzaamheyt des Conince onses allerghena-
dichsten Heere, in cene ghewenschede Vrede en eenicheyt, en tot hare ou-
de fleur en voorspoedicheyt mach ghebracht worden: daer toe wy niet en
twifelen, Godt almachtich sal u lieden en ons alle syne Goddelicke hul-
pe ende handt reychen, tot vermeerderinghe synes Rijcs ende Glorie.

Hooghe, Edele, Seertwerddighe, Eersame, Wyse ende Voorzienighe
goede Heeren, Vrienden ende medebroeders, Godt almachtich neme v in
zyn heylighe bescherminghe. Gheschreuen tot Delft, den xj. Septem-
bris. Anno M. D. Lxxij.

Onder stont gheschreuen: Dwe goetwillighe Vrienden ende Medebroes-
ders, Die Ridderchap, Edelen, ende Steden van Hollandt, repres-
senterende die Staten vanden seluen Lande. Noch stont onder ge-
schreuen: Ter ordonantie der Staten:

Ondergheteeckent

W. Berghin.

